

Director di Fundacion pa Personanan cu Deficiencia Tuyo Werleman

Te ainda no tin solucion pa personanan cu deficiencia multiple

ORANJESTAD – Na e cas pa ancianonan na San Nicolas a construi den pasado un internado pa personanan cu deficiencia intelectual.

Director di Fundacion pa Personanan cu Limitacion Sr. Tuyo Werleman a bisa cu e institucion aki no a habri su portanan nunca.

PREPARACION

Werleman a bisa cu nan a prepara algun aña pasa completamente pa e apertura. Tabata tin trahado y tur cos cla caba. Tabata na 2011 cu e Fundacion pa Personanan cu Deficiencia a haya un carta for di Sr. Jan van der Straten cu tabata e tempo ey coordinador di e proyecto, cu a bisa cu e fiesta no ta sigui paso no tabata tin placa pa habrie e centro.

E personanan cu mas mester di ayudo cu ta esunnan cu un limitacion dobel cu ta intelectual y fisico tabata ser manda na mgr Verriet Instituut Curacao of Hulanda, ta e ultimo

grupo cu na Aruba no tin andamás pa nan.

PARA PROYECTO

E proyecto aki a para completamente y no tin yudansa pa e personanan cu e deficiencia dobel. Werleman a bisa cu Minister di Asuntonan Social a acerca e fundacion y a bisa pa bin cu un proyecto na Piedra Plat. Awor aki e ta den man di Departamento di Obran Publico (DOW) pa yega na e destaho pa traha un edificio nobo anexo na e pasadianan cu e fundacion tin na Piedra Plat. E proceso aki tambe ta tardando hopi y e ta den man di DOW.

Loke a compronde cu tin placa presupuesta na Fondo Desaroyo Arubano (FDA) pa e edificio.

E fundacion ta sinta cu e situacion awor aki, cu nan kier seguridad cu berdad ta bin placa pa opera e luga y paga trahado pa bay den e edificio aki. Un edificio asina aki y



Tuyo Werleman y Minister di Asunto Social ora a firma acuerdo di Centro di cuido pa muchanan cu limitacion.

un internado asina aki no ta barata.

EDIFICIO BASHI

Loke ta lamentabel ta cu tin un edificio para na San Nicolas cu por ser uza como un internado, pero e ta para bashi. Algun dia atras un empleado di e fundacion a bay na e edificio aki y a constata cu algun

material den e edificio a cuminsa frustia. Werleman a bisa nan nunca a wordo poni na haltura oficialmente door di Gobierno pakico e proyecto no a bay door.

Ta e consehero a manda un nota pa bisa cu e no ta bay door. Na momento cu a pidi pa tende di Minister mes y

Gobierno pakico e no ta bay door, e consehero van der Straten a rabia. Te cu awe ainda no a haya nada oficial for di Gobierno.

Loke Werleman ta spera ta cu e placa na FDA t'ey ainda, cu realmente por haci algo pa e grupo aki, cu ta un grupo cu ta hopi pisa pa e famia sigui cuida, comokiera cu ta un grupo cu tin mester di un cuida hopi intensivo.

MAS PLAN

Werleman a bisa cu banda di e internado mester di dos sector mas pa brinda cuida, cu ta uno pa hendenan cu tin necesidad di cuida hopi intensivo cu tin problema di conducta, cu por move nan den e centro aki.

Esaki ta plannan cu e fundacion tin. Werleman a bisa cu e la traha 6 proyecto den 25 aña cu e ta trahando den e fundacion aki y cada biaha e ta casi di logra, pero na ultimo ora e proyecto no ta bay door. □